



Mitovi o problemu kockanja uključuju:

Mit: Igrači sa problemom zavisnosti od kockanja naprosto su neodgovorni, oni zapravo mogu prestati sa kockanjem kad god požele.

Činjenica: Često se vjeruje da su ljudi sa problemima zavisnosti jednostavno neodgovorni i slabog karaktera. Ali činjenica je da svako može postati zavisnik od kockanja, bez obzira na to koliko je odgovoran. Zapravo, čak i ljudi koji imaju dugoročno odgovorno ponašanje mogu razviti ovisnost o kockanju. Zavisnici nisu u stanju da zadrže kontrolu nad svojom igrom, pa njihovi postupci postaju neodgovorni kako bi zadovoljili zavisnost.

Mit: Kockanje nije problem ako igrači to mogu sebi da priušte.

Činjenica: Samo zato što ljudi posjeduju novac koji su spremni da potroše, to ne znači da njihovo ponašanje nije problematično. Prekomjerno kockanje nije samo finansijski problem. Kompulzivno kockanje utiče na sve segmente života ovisnika, uključujući posao i karijeru, prijatelje, porodicu i još mnogo toga. Prekomjerno igranje samo po sebi je suština problema, a ne samo aspekt finansijskih posljedica takvog ponašanja.

Mit: Kompulzivni ovisnici kockaju se svakog dana.

Činjenica: Ovisnost o kockanju i kompulzivnoj igri ne podrazumjeva nužno vrijeme provedeno u igri. Patološki kockari mogu kockati često ili veoma rijetko, jednom nedjeljno ili jednom mjesečno. Zavisnost podrazumijeva kada igranje igara na sreću izaziva psihološke, finansijske, porodične ili emocionalne posljedice.

Mit: Ovisnici zadovoljavaju svoju potrebu za igranjem igranjem bilo koje igre.

Činjenica: Većina problematičnih ili patoloških kockara imaju omiljenu igru, više vole određenu vrstu igre iako im u suštini upravo ona izaziva probleme i ovisnost. Vrlo često druge vrste igara uopšte im ne privlače pažnju. Na primjer, osoba koja voli igre na automatu uopšte nije zainteresovana za sportsko klađenje.

Mit: Ovisnost o kocki ne utiče na djecu

Činjenica: Procenat odraslih sa razvijenim problemima zavisnosti je prilično velik, ali procenat adolescenata sa ovim problemom je dvostruko veći. Maloljetnici imaju nedovoljno razvijenu samokontrolu i više su podložni razvoju svih vrsta zavisnosti.

Mit: Problematični i patološki igrači su lako prepoznatljivi.

Činjenica: Ovisnost o kocki ima daleko manje vidljive simptome u poređenju sa zavisnostima od droga i alkohola. Ovisnicima o kocki je lakše sakriti svoje ponašanje, posebno u slučaju klađenja putem interneta. Veoma je važno razumjeti da većina ljudi može igrati igre na sreću bez negativnih posljedica. Međutim, mali procenat njih razvija ogromne ekonomske, porodične, socijalne i psihološke probleme zbog kockanja. Posljedice prevazilaze pojedinca koji je razvio ovisnost i šire se na igračevu porodicu, prijatelje, saradnike i zajednicu.